

中華民國二十一年十二月

康藏概況報告

格桑澤仁

贈

90724

上海图书馆藏书



A541 212 0010 05288

康藏概況報告目次

總理遺像

插圖

- (一) 專攬西藏政教大權之達賴
- (二) 親英首領前任藏軍總帥現任大臣之擦絨
- (三) 留學英倫現任藏軍總帥之龍廈
- (四) 留學英倫之龍廈夫人
- (五) 藏軍侵康南路前敵指揮與我西康民軍在江卡巴安一帶作戰之西哇冷巴
- (六) 藏軍侵康中路前敵指揮與我川軍在甘瞻德格一帶作戰之德米色
- (七) 藏軍侵青北路前敵指揮與我青海軍在玉樹界谷一帶作戰之廈蘇
- (八) 西康省黨務辦事處召集各縣喇嘛寺代表宣傳黨義之情形
- (九) 西康民衆自治委員會成立情形



161829

(十) 格桑澤仁與各縣頭人會商抗藏情形

(十一) 出發抗藏西康民軍之一部

(十二) 格桑澤仁視察民軍陣地時留影

(十三) 西康民軍奪獲各種戰利品之一部

(十四) 西康各縣僧民軍政人員及外賓歡迎格桑澤仁戰勝藏兵之情形

## 目 錄

### 概 言

(一) 西藏與內地隔絕之起始

(二) 二十一年以來西藏與英印之關係

(三) 二十一年以來西藏與內地之關係

(四) 二十一年以來達賴對於後藏之侵略

(五) 二十一年以來達賴對於西康之侵略

(六)達賴及其左右人員之主張與企圖

(七)西藏教權及各大喇嘛寺之今昔

(八)西藏軍備現狀

(九)清末趙爾豐時代之西康

(十)民元以後之西康

(十一)提議西康建省之經過

(十二)西康省黨務特派員之派遣

(十三)西康省黨務工作之經過

(十四)西康民衆對暴日之義憤

(十五)西康二二六黨軍衝突之經過

(十六)西康黨軍衝突以後人民之主張

(十七)西康黨軍衝突以後中央之處理

(十八)達賴三路大兵進犯青康之動機及目的

- (十九) 達賴派員聯絡西康民軍被拒絕之經過
- (二十) 西康民軍與藏軍激戰四月之經過
- (二十一) 川康兩軍合作抗藏之經過
- (二十二) 藏軍敗退遵命回京報告
- (二十三) 西康與滇青兩省之關係
- (二十四) 今後整理康藏之意見



賴達之權大政藏西攬專



紳擦之臣大在現帥總軍藏任前領首英親



留學倫英現任藏軍總帥之龍廈



留學英倫之龍廈夫大




藏軍侵康南路前敵指揮與我西康民軍在江卡巴安一帶作戰之西哇冷巴




藏軍康路前敵指揮我軍甘德一作瞻在川軍




藏軍侵青北路前敵指揮與我青海軍在玉樹界谷一帶作戰之廩蘇




西康省務辦事處召處各縣喇嘛寺代傳宣表之黨義情形



形情立成會員委治自衆民康西



形情藏抗商會人頭縣各與仁澤桑格



部一之軍民康西藏抗發出



格桑澤仁視察軍民陣地時留影



西康民軍奪獲各種戰利品之一部




形情之兵藏勝戰仁澤桑格迎歡賓外及員人政軍民僧縣各康西

# 康藏概況報告

## 概言

澤仁康人也、痛國事之日非、念桑梓之淪亡、乃於二十年奉命回康、辦理黨務、欲本三民主義、有以裨益康人、不幸才識謗陋、能力薄弱、致召駐軍之嫉視、復逢藏人之侵略、奮鬪經年、無補萬一、旋奉中央命令、回京報告一切、茲澤仁到京之初、值三中全會開幕之始、黨國要人、聚議一堂、用急草簡單之書面報告、冀以得諸公之留意採納、並分贈各界、俾國人了然西康關係國防、建設絕不能緩而一致予以贊助、則不僅有以對康、亦足以對國、澤仁征鞍甫卸、草草陳辭、知多疏漏、望閱者諒之、

格桑澤仁



# 康藏概況報告

## (一) 西藏與內地隔絕之起始

清朝對西藏西康、素以懷柔手段、崇封達賴班禪、以及各大呼圖克圖、各土司、俾暫維苟安之局、後鑒於列強之垂涎、國防之不可不整理、地中寶藏之不可不開發、遂有駐藏欽差大臣、幫辦大臣、與若干行政官吏之設置、而於宗教制度、則任其舊、惟內政外交通商各項、須會商辦理、繼因國事日非、藏情多變、駐藏大臣暨原有少數防軍、對內對外、均不能行使職權、反受掣於達賴、遂分道揚鑣、各行其是、甚至互相詆毀、互相攻擊、而藏人於光緒末年、又紛起抗英、英藏糾紛遂起、英兵進逼拉薩、城下訂盟、清政府賠償兵費、達賴擬逃奔俄國、時值俄敗於日、又阻於新疆總督、遂不得已而晉京、至光緒卅三年回藏、而趙爾豐等正積極經營西康、藏中人民、傾向內地者甚衆、達賴勢力、於是遂薄、明爭暗鬭、於宣統元年、復被驅逐、逃往印度、住大吉嶺、多方要求於英、果得補助、乃乘辛亥革命、全國無力西顧之際、舉兵回藏、盡逐原有駐藏官兵、首先肅清前藏、相繼侵略後

藏西康、而居然以獨立國自居、與內地斷絕一切關係矣、

## (二)二十一年以來西藏與英印之關係

達賴自得英援、統一西藏政權以後、藏人一反其昔日拒英、閉門保守之態度、故今之拉薩市上已有汽車足踏車電燈電話等等新建設、一般貴族大商、更莫不爭相歐化、西服西菜西式洋房、隨時可見、教育則藏中廣設英文學校、教科書多用英藏文合璧編製、而西藏貴族及平民子弟、出赴英京及印度各處留學者更多、其中多數學習軍事、亦有學電務航空工業技術者、西藏軍中、更間聘英人及印人訓練、凡軍用器械、一律由英接濟、交通方面、印藏鐵道工程、已完成十分之二三、正在繼續建築中、汽車已可由江孜起點、向前後藏及帕忍三方面乘馳、郵電兩項、則印藏間早已通行無阻、他如商業上、藏方與印度英貨、出入貨品、互不抽稅、三藏地方、英貨充斥、其價多較在川滇各省購者尤賤、康藏之羊毛山貨、及其他土產、昔之出川滇者、今亦並出印度矣、至藏中江孜亞東關等等商埠、早有多數英商居住、藏政府並計劃準由英商、開辦五金鑛產、雙方經濟上、文化上、既如是之密切

、則其政治關係、可想而知矣、

### (三)廿一年以來西藏與內地之關係

自民元迄今、西藏與英印之關係、日見親密、與內地適成一反比例、茲舉兩事以證之、民十三、有由北平經川康入藏研究佛學之大勇法師等數人、行至康北甘孜、即被藏官阻止、雖幾經要求、并云除研究佛學外、毫無其他用意、終不許行、致大勇抑鬱、死於甘孜、去歲同人等進康、在鹽井遇一四川峨嵋出家女子陳氏、發願進藏朝佛、行抵江卡、亦被藏方阻回、對此等純爲佛事而欲進藏之普通人、尙出此不近情理之禁令、其平日之戒備、及檢查客商、儼若敵國、可想而知矣、至京平雖時有達賴代表、但多爲雍和宮五台山各寺之住持、或達賴派京滬購買瓷器綢緞之買辦、借便窺探中央意旨、轉陳達賴、或藉圖其個人私益、若達賴果有誠意、何以藏中稍有名望貴族、及其四品以上之官員、并無一人來京者、再觀該代表等平時在京之言論、與在西康藏軍之鮮明叛抗行爲、完全相反、更可見一般矣、

#### (四)二十一年以來達賴對於後藏之侵略

西藏原分爲康藏衛三部、除康衛外、藏分前後兩藏、宗教上則以達賴班禪分管、政治上則前藏有白吉波、後藏有一宗夏白、(政治首領之意)清朝又設欽差大臣一員、駐前藏、幫辦大臣一員、駐後藏、對於政教、分別治理、班禪因擁護祖國、始終不變、與駐藏大臣官員甚洽、不免與前藏有分道而馳之勢、迨達賴既得英援回藏、驅逐駐藏官兵以後、首卽扣留班禪重要人員、并欲借會晤爲名、加班禪以軟禁、班禪知機、潛離藏入京、而達賴除派兵追趕外、並將班禪及其隨員所有之財產沒收、一面各地分駐重兵、行政官吏、概由拉薩委派、對後藏僧民、尤多虐待、今之後藏扎什倫布大寺之執事喇嘛、亦由達賴派充、僧民處於淫威之下、殊敢怒而不敢言也、

#### (五)二十一年以來達賴對於西康之侵略

康藏原以丹達山爲界、山西爲藏、山東爲康、只以清廷不明康中情勢、將康東之膽化、康

南之江卡、康西之桑昂等地、因宗教信仰、賞賜達賴、其意在檀越佈施、而其週圍、仍爲康地、查康民對達賴班禪、宗教上信仰甚篤、一般喇嘛、必須到兩藏四大寺、研究佛經、達賴既佔領兩藏、欲將西康亦並吞之、以遂其所謂恢復唐沽忒版圖之願望、乃利用宗教關係、向康人發出一種宣言曰、康藏人同文同種、與其受異族川軍虐待、無甯建設大藏族政府、以謀全藏族全佛教徒之福利云云、而達賴信徒、又從旁鼓吹之曰、吾人聽命效力於達賴活佛、今生既得生活上之幸福、來生又獲吾佛法力之度超、於是一般被川軍壓迫之僧民、無不信從、故達賴於民二民五民七民九、迭次犯康、康民多爲藏軍內應、不與川軍合作、以致川軍一敗再敗、藏軍遂越金沙江而東、先後將康地佔領四分之三、我政府僅剩寥寥東南十三縣、況其中鄉城德榮定鄉義墩各縣、又多無政府、達賴更貪求無厭、上年因大白寺之糾紛、又佔去甘孜瞻化兩縣、川康邊防總指揮管轄者、遂僅康定雅江理化巴安等數縣而已、今春中日事變發生、達賴又乘機派軍、三路進犯、經我康民、協同川青兩軍、苦戰半載、藏兵始受創而退、此事容後另詳、綜述達賴歷年侵略、已佔全康四分之三、各地分佈重兵、凡軍政官吏、概用藏人、橫征暴斂、達於極點、康民始悟昔日達賴之宣言、爲一種

欺騙手段、然極威之下、亦如後藏之敢怒而不敢言矣、彼在昌都、設一葛倫、總管全康軍政、藏名爲「奪免西巧」、又設有頗康（收支局）軍械局、人民議事所、訴訟處等等機關、各縣設有宗本一員、（縣長）、軍隊分區駐防、統以一岱本、担任數縣、至今之康地、所產之皮毛山貨、已概由官商邦達昌壟斷操縱、運至印度銷售矣、

### （六）達賴及其左右人員之主張與企圖

現今之達賴、爲西藏第十三世達賴、其初亦純事宗教生活、如前幾世、惟其爲人、比較精明強幹、頗有政治思想、且值國內外多事之秋、環境變化非常、西藏當此時期、亦不容平靖無事、外而英俄互相角逐、圖謀日亟、內而與班禪意見不合、與駐藏官兵、感情惡劣、前因引起英藏糾紛而欲奔赴俄國、後被清廷阻止、轉道到京、繼而與我駐藏官兵衝突、被迫赴印、本人因幾經艱險教訓、遂增加許多政治經驗、及至由印回藏以後、愈見中國之紛亂、被列強宰割、而無能自拔、乃欲脫離中國、而求藏族獨立自主、又當外蒙宣佈獨立、且以蒙藏同教關係、互相吹噓鼓動、故達賴毅然先肅清前藏內部、排斥內傾份子、漸次侵

佔後藏西康、以迄於今、政策一貫、廿一年如一日、未嘗少變、此事實之可以證明也、查渠與英國關係、其所希望、簡單言之「即欲得英援助、使能達到脫離中國而造成藏族獨立自治之目的」並無將西藏斷送與英之思想、至近年雙方關係密切、至突飛猛進之際、藏中間有若干大喇嘛、以宗教之立場、向達賴作預防意外之勸告、達賴即云、「吾焉能前門拒虎、後門迎狼」觀其語意、可知一般、惟達賴及其左右、焉知帝國主義者用心之深、及其手段之狡、彼帝國主義者、與藏當局接近、而認為其唯一之密友、其意不在乎表面上以政治的勢力佔領西藏、要在經濟的文化的將西藏作為一經營之場所而無阻礙、此慢性侵略之手段、達賴及其左右、竟莫知之、今達賴之左右重要人員、如擦絨龍夏根本那達布仲等、多曾赴英印各地留學、均一致主張建設完整藏族國家、而與中國脫離關係、即西藏自身能力所不及者、甯仰求之於英國、以為英為世界最強大最文明之國家、對於西藏之建國、請求指導扶植、當無不可如意、其愚真不可及也、

## (七) 西藏教權及各大喇嘛寺之今昔

西藏之制度、本以宗教治國、所謂教權高於一切、達賴班禪、以教主之資格、向有監督政治之權、前後藏之吉波夏白、例由藏中以次各大活佛輪充、沾棒色拉噶登札什侖布四大寺規定每年考選若干喇嘛、充任達賴班禪左右執事、及兩藏普通軍政職員、拉薩政府四噶侖（大臣之意）中、例有一喇嘛位置、民十以前、威赫一時之駐康軍政總管噶侖仲譯交烏、亦爲喇嘛出身、後因此項由喇嘛出身之人員、以宗教關係、主張達賴班禪合作、並不願西藏與中國完全脫離關係、而與外教之英人爲友、當時各大喇嘛寺對於上項主張、曾作有力之示威請願、並一度將親英首領擦絨之住宅包圍、以碎石木棒、破壞其門窗、因此種事件之發生、達賴對於各大寺喇嘛、力求剝削其政治上權利、其左右各新派人物、更乘此以武力壓迫各寺、如民十二年、軍隊包圍色拉寺、強捉十餘領袖喇嘛、處以無期徒刑、按西藏之三大喇嘛寺院中、西康及青川滇邊境之喇嘛、約佔十分之六七、故各寺之執事、例多由康人充任、自上次各事件發生後、各大寺中之執事、類多由達賴委派親信之前藏人擔任、惟各大寺之喇嘛人數、年來更形增加、總計拉薩之三大寺、現有喇嘛不下六萬餘人、

## (八) 西藏軍備現況

自<sup>1</sup>賴由印回藏以後、對軍備大事整頓、迄至現在、西藏軍隊、可謂已成新式完備之軍隊矣、其軍隊平時組織、有馬基一員、(即總司令之意)、部隊以岱本(團長)爲最高單位、每岱本下有三若本、(營長)每若未下有兩甲本、(連長)每甲本有兩協敖、(排長)每一協敖、統率戰鬪兵五十名、總計每岱本下所統率之兵有六百名、另有專門砲兵、岱本若干、普通每一岱本、以步騎兵混合組織、大約三若本中、有兩若本爲騎兵、其他非騎兵之步兵、亦類多自備有馬、故戰時多變爲馬隊也、每岱本亦附有若干之大礮機關鎗、至西藏兵之待遇最低每月每兵發糌粑兩斗、酥油與茶葉若干兩、藏幣數枚、(藏銀幣每枚合國幣一角零)蓋兵多由人民徵派、譬如每十家會同雇出一兵、對於此兵之常年生活、即由此十家供給、政府所發、僅爲津貼而已、平時全藏、總有步騎兵及特種兵約有十五岱本、計不過一萬名左右、所用純爲新式英造軍械、惟因藏康民間、及各喇嘛、均常備有鎗馬、昔日得自川軍及舊有雜鎗、戰時亦發於民兵、或派每戶一人、及每十名喇嘛中抽一名、遇必要時、

將所有各寺喇嘛及人民凡力壯者、均徵集之、立時即可湊成數萬、故本歲藏軍之三路進攻、均莫不以民軍及正式軍隊參合配備、其正式兵之訓練、與一般軍官之調度、均有非常之進步、實不可以小睹也、

### (九)清末趙爾豐時代之西康

西康之區域、對外雖爲一整個地方、而實無一統一政府、僅由各地分治、然亦互不相犯、相安於無事、其舊有組織約分三種、一土司、如康定巴理塘德格土司等是也、二呼圖克圖、如昌都乍了……等是也、三頭人、如三巖果落等部落是也、此三種制度不同之點、土司爲世襲、呼圖克圖爲大喇嘛轉世、頭人爲地方所選舉、趙爾豐於光緒末年、奉命辦理巴塘鳳案後、清廷即任命爲督辦川滇邊務大臣、趙遂大刀闊斧、將西康改土歸流、各土司呼圖克圖頭人等、概行取消、正式設府州縣廳三十三處、尙未籌設者、有數十處、同時並注重於教育交通實業等之開發、趙雖不免偏重於武力政策、致康民多畏威而不懷德、但以其魄力及作事能力之偉大、一切計劃之精密、終能順緒進行、故僅四年期間、西康即蔚然可觀。

、旋趙氏奉命、護理川督、由其代理邊務大臣傅華豐氏奏呈請將西康即時建省、以圖一勞永逸、適逢辛亥政變、建省中停、自此人事變遷、愈趨愈下、而趙氏數年苦心經營之成績、均化烏有、新設制度未立、反將西康之舊有制度破壞、人民徒滋流離紛擾之苦矣、

## （十）民元以後之西康

民初將西康改爲川邊特別區域、設川邊鎮守使一員、至民十二年期間、曾換六任鎮守使、民十三年、劉成勳爲西康屯墾使、十六年國民政府委劉文輝爲川康邊防總指揮、以此廿年之長久時間、受潮流所趨使、西康似亦應隨同各省、稍有進步、孰知後不如前、愈趨愈下、康民痛苦、真如俗話所謂啞子吃黃蓮、有苦說不出口、究其原因、一因西藏連年興兵、向東侵佔不已、二因四川每歲內戰、不惟無補於康、往往西康之當局、常爲川內戰之一角、以馳驟競爭於四川內地、對康只兼領各義、敷衍塞責、甚或利用以爲朦騙中央、及國內同胞之工具、以軍事言、有防軍而不能守土於外、先後將西康四分之三地方、被藏佔領、內而任土匪橫行、致客商裹足、以行政言、僅剩有之十二縣地方、或陷於無政府狀態、或狂

由貪汚官吏、自由剝削、以教育言、清末趙爾豐時代、各縣均設學校、今僅巴塘康定、各有高小學校一所、全康尙無一初級中學、或一民衆圖書館之設置、以言經濟、康定商業破產不思救濟反多苛捐雜稅、以言交通、僅牛馬之道路、亦任其雪封水阻、昔之電線驛站、均聽其破壞無餘、僅七八日一關之郵差、亦間被土匪刦擊、綜合上述、西康之退化落伍情形、恐有出乎一般人思想以外者也、

### (十一) 提議西康建省之經過

西康處我國西陲之高原、界於川滇青藏之間、爲西陲國防之樞紐、有建瓴之雄勢、地廣物豐、雖以清廷之昏庸，尙知有所經營、查光緒卅三年郵傳部岑春萱於其統籌西北全局之奏議中、有請改青康等邊地爲行省之議、宣統三年、趙爾豐以其實地經營之後、規模大具、而代理大臣傅華封正式條陳西康建省、傅氏並著有西康建省記一本、民十六年、澤仁代表西康民衆入京、會同班禪代表宮敦扎西呈請國民政府、速建西康行省、列舉七項重要理由、並請將川之建南七屬、滇之中阿維三縣、劃歸西康、經批交內政部審議、當時川康邊防總

指揮劉文輝亦表示贊同、旋經中央於十七年九月政治會議議決、建西康爲行省、經國民政  
府明令發表、當時新建之青甯熱察各省、均着手組織省府、以專責任、而西康乃自十七年  
迄今、終因四川省問題牽制、省府迄未組織、僅成都二十四軍軍部組織一邊務處、爲西康行  
政最高指導機關、雖經康氏幾度籲請建設省府、俾各付其實、然終被川局之影響、而未能  
實現、及今歲西康黨軍衝突以後、民衆有西康建省委員會之組織、其意爲促請中央、速組  
省府、亦可見西康人民、對於實行政改省之渴念一般也、

### (十二) 西康省黨務特派員之派遣

民國二十年、四月二十七日中央執行委員會、第一三八次常務會議議決、派澤仁爲西康省  
黨務特派員、適中央政治學校附設之西康學生特別訓練班、訓練告終、多數學生、隨同回  
康工作、當時陸海空軍總司令蔣、亦以康藏國防、關係重要、對該處情形、感覺隔膜乃就  
澤仁赴康辦黨之便、委以總部參議之職、發給無線電機一架、囑將康藏方面、關於國防上  
各項情形、隨時調查報告、當時隨去同志、連同電務人員、共有三十餘人、其中除康籍各

學生外、尚有蘇皖湘黔閩川滇七省籍人、以江南各省人士之遠去西康、尙屬創見、當時同人等之工作計劃、除遵奉中央頒佈之推行邊疆黨務工作綱領外、按西康當地之狀況與需要、欲積極從事於文化之鼓吹提倡、第一步擬在巴塘康定兩地、設圖書館一所、各附設學校、先由小學入手、惟中央規定之宣傳經費、每月僅五百元、且包括各同志之生活費、經費頗感不敷、幸得素極關懷邊疆之戴季陶朱鯩先兩先生之贊助、每月允由中大及考試院各津貼數百元、補助圖書館、乃購置書藉及應用物件、於五月廿六日分別起程、汪席豐等六同志經川赴康定、澤仁等取道滇省而往、

### (十三) 西康省黨務工作之經過

當同人過滇省之時、滇省當局、爲歷年滇康邊境人民、迭滋糾紛、以澤仁爲西康籍、兼爲中央派歸西康工作人員、遂委託便中代爲調停、俾雙方通商交往如故、同人於八月底到達滇康交界之中甸、就康中各土司喇嘛等頭人歡迎之便、召集滇康邊境雙方土司大喇嘛頭人各關係人員、居間調停歷年之糾紛、其案情較大者、如西康德榮人民與中甸東哇絨人民五年

以來之互相刦殺案、雲南阿敦各土千總與西康鹽井朔和等喇嘛八年以來之互相搶擊案、幸雙方接受勸告、恢復舊有關係、和好如初、同時並宣傳黨義、中央威德、及國內外情形、時已初冬時間、各地多冰雪難行、但同人等以西康南部鄉城德榮等地方、久陷入無政府狀態、稱雄作霸、抗糧抗差、西康當局、無如之何、情形頗急、乃一面派黃子冀同志等、直上巴塘、先行成立黨部圖書館、澤仁簡隨、遍赴各縣、嚴加開導、并宣布中央德意、及三民主義、果得人民之覺悟、願從此不抗官、不搶劫、並允許對於當局所委縣長、加以歡迎擁護、當即取結、轉咨川康邊防總指揮部、同人因展轉迂迴于康南各縣、始於廿一年一月初到達巴塘、後又屢到義稻理各縣宣傳、大凡每到一處、必遍集該地之喇嘛與民衆於廣場中、或假寺院、作種種遊藝宣傳演說、每地寺院十司頭人、各送總理遺像一張、及藏文油印之許多黨義宣傳品、至開設簡易黨義訓練班、徵集黨員、及其他關於黨務工作之經過、除向中央另文詳呈外、茲概從略、惟有一點、應當報告者、即在西康之黨務宣傳工作、因文語不同、已極感困難、且凡在大道以外各縣各鄉村間之居民、根本上對於民國無所認識、三民主義、更莫明其妙、所以許多村民、常詢問當今皇帝是何人、或曰聞連年內地紛亂不

堪、皆因真命天子未出所致、渠等所共知者、中國有唯一之皇帝、例係文殊菩薩化身、住於北京城、內地并有一佛地、名五台山、除此以外、對於南京也、上海也、以及國內一般領袖偉人也、均毫無所聞、本來中國以五族共和、地大而交通不便、名爲一國、實際上幾等異域、譬如以西康一隅而論、廿年以來、政府既無暇無力、加以經營、內地人士、又多怕到邊疆、無怪邊地人民之蔽塞至此、欲待本地人之自己進步、實非一時環境所能許可、同人等在此種情狀之下、惟有足踏實地、從事一切初步常識之灌輸、蓋絕非高唱闡論所能收效者也、

#### (十四) 西康民衆對暴日之義憤

當同人在康架無線電台正當工作之際、時值東北九一八事件發生、繼之十九路軍在滬激戰、西康電台當時可以接收廣播新聞、用藏文譜譯、並備許多畫報、分貼各縣宣傳、曉以「國存與存國亡與亡」之義、向各地大喇嘛寺、亦作同樣之宣傳、果爾西康僧民、非常義奮、聯合僧民、組織抗日後援義勇軍、呈報中央軍事委員會、經批示嘉獎、各喇嘛寺并聯合

集資、設壇唸經、祈求日軍敗退、我十九路軍勝利、而各僧民并推派代表、往見駐西康之美國各教士、謂「今暴日侵略我中國、無理已極、我西康全體僧民、現已聯合組織抗日義勇軍、只以路隔萬里、不能急赴前線、素聞貴國政府、主張公道、擬請貴教士等代為轉達美政府、主持正義、查西康僧民向無所謂國家關念、昔聞內地被列強壓迫之慘案、如庚子聯軍等役、康人聞之、均漠然不相關、此次可謂進步多矣、

### (十五) 西康一二六黨軍衝突之經過

中央委派澤仁為西康省黨務特派員、同時通知川康邊防總指揮劉文輝知照、同人於離滬以前、所派經川赴康定工作之汪席豐等七同志、囑其過蓉面見劉總指揮、說明同人回康辦黨情形、請其轉令在康軍政機關保護贊助、繼同人在途次、又特派雷有聲同志、轉道赴成都、謁劉總指揮、請其對於西康黨務、竭誠指導贊助、同人於未到巴塘以前、遍臨康南各縣工作情形、及到巴以後、所有成立黨部經過、隨時均咨請劉總指揮、均莫不萬分客氣、以求黨軍之一致、所有康南鄉德各縣、因黨部之宣傳、而允許歡迎委派縣長、及從此上糧支

差、不與官方爲難等項、均經一一取結、咨呈劉總指揮、在同人以當此國難期間、奉命在邊地工作、應不負中央所派之職任、再則同志等多爲康民子弟、對鄉邦之發展、當有一番義務、再以黨的立場、對當局如此誠懇、縱不得其補助、亦當不致爲難、殊理想與事實相反、除阻止在康設立圖書館、並將汪等羈留成都外、雷有聲亦無結果而返、駐康之二十四軍馬旅、本極專制暴殘、對康人素存輕視心理、年來治康、所取之政策、即是使中央及國內人士、不明瞭康地真相、使康人不明瞭中央及內地情形、所謂謄上欺下、即以川康總指揮劉文輝本人而論、亦以遠在成都、常爲其部下謄蔽、渠等對付康民、向有一口號曰、敬蟹一手、莫如打蟹一頓、絕對的以西康人作奴隸相待、今見澤仁率同志回康辦黨、一則各同鄉作空前盛大之歡迎、再則同人等四處宣傳黨義、中央德意、及內地各情形、並時將西康狀況、隨時調查、報告中央、及內地同胞、認爲與渠等之治康政策相反、恐不復能謄蔽中央與魚肉康民、於是非常嫉恨、始則令各地駐軍監視黨部行動、及檢查郵政、繼而由康藏通信社、（該軍當局所辦）常登載污辱黨部消息、甚至平空謂澤仁將要稱兵作亂駭人聽聞消息、公然密令駐軍、相機逮捕澤仁等、先是黨部職員數人、遭駐軍痛搥毒打、至二月廿

六日、巴塘駐軍先將黨務宣傳幹事戴琅璣同志、(四川安岳人)在街上扭住鎗斃、一時黨部人員、及人民紛紛逃避、駐軍即有捉澤仁鎗決之意、在此種情況之下、中央委派之黨務人員、已覺毫無保障、竊以人類有奮圖求生存之意、况澤仁分屬康人、過去為鄉奔走工作、十有餘年、康中各土司頭人喇嘛及一般民衆、尙多信任、今見駐軍如是之動作、目無中央、且有摧殘康人、永遠不許抬頭之意、於是激動公憤、各地人民、相率與駐軍抗戰、不終朝將巴軍繳械、康南各地之軍隊、亦概行繳械、在澤仁個人、亦未料及事變如是之擴大、然當時全康人民、如是之一致興奮揭竿而起者、雖衝突之起點、由於駐軍殘殺黨員、究其原因、實所謂物極必反、當局數年以來壓迫人衆所激成之反應也、

### (十六) 西康黨軍衝突以後人民之主張

自各地僧民、將駐軍繳械以後、各縣僧民代表一百四十八人、齊集巴塘、議商對外國防、對內治安、如何維持辦法、蓋藏兵之防地、與巴塘僅隔三百里、惟恐藏兵乘機進攻、既已將駐軍繳械、現當局推翻須有一負責機關、暫資維持、幾經討論、決定下列辦法、一、就

現有各縣代表百四十八人組織西康省人民自治委員會、推納噶活佛、主其事、二將西康當局遺誤國防壓迫康民、及此次殘殺黨員等經過、呈報中央、及通電全國、並聲明誓不再服從於現在當局、三、請中央根據十七年發表西康建省令、速予派大員來康、組織省政府、一面由人民自治委員會推選委員十五人、組織西康建省委員會、專為促成建省之機關、四、組織西康省防軍司令部、將各縣原有民兵統一組織訓練、五、推格桑澤仁特派員擔任西康建省委員會委員長、及省防軍司令、一面呈報中央、請求委任、六、通知西藏方面、聲明此次發生內部事件、已恢復如常狀態、請勿誤會、根據以上議決案、各縣代表一致堅決要求澤仁負責就職、澤仁當時惶恐萬狀、進退兩難、蓋本人為中央派來之辦黨人員、又值國難期間、既不幸為黨軍衝突、而擴大事態、更不能越權、妄自干政、惟若不出面負責、各縣駐軍及知事既被僧民所反對取消、內部治安、在在堪虞、加之當時被解決之一團餘人鎗、須有妥善辦法、俾免地方擾亂、尤重要者、境外之藏軍、正欲乘時思逞、已有可乘之機、又當川軍新失甘贍、國防堪慮、幾經考慮以後、決定與其使地方桑梓糜爛、被藏兵佔領、莫如事後受中央相當處分、乃毅然出面維持、惟向僧民聲明、以中央如何處理此事

之命令來到以前爲限、於是首將被繳械之軍隊等、給資護送回川、將康中寺民原有人鎗、加以此次所繳駐軍之械、嚴密組織訓練、編制爲十五路民軍、每路設指揮一人、以下設若本、甲本、協敖三級、（即大隊中隊分隊三級）另編炮兵機關鎗隊、總計當時已經編制之僧民軍數、爲七千八百數十餘人、共有快鎗六千三百餘枝、明火鎗二千五百餘枝、馬四千七百餘匹、對西藏方面、妥加防範、茲將當時人民自治委員會、及澤仁呈中央之文電擇一二抄錄如後

### 人民自治委員會各僧民代表呈中央電

急南京國民政府行政院蒙藏委員會鈞鑒  
康民受川藏夾壓無可伸訴幸蒙中央委格桑澤仁回康  
辦黨喚醒康人乃駐康旅長馬驥不協力禦藏反壓迫西康并迭令僧等嚴防格桑不准入康僧等以  
中央大員銜命回康未敢擅阻詎駐巴軍隊竟將黨部幹事載娘噶要路槍殺圍攻黨部僧民等爲擁  
護中央命令自衛自決因將駐巴軍隊繳械成立西康省防軍公推格桑澤仁暫充司令靜候中央辦  
理敬祈核示包赦五各蘇彭錯打吉薩加登巴贊全康僧民等謹呈冬

## 國民政府覆人民自治委員會電

麗江西康人民委員會代表包敖武楊朝宗各蘇暨全體僧民均鑒奉主席諭東電悉交行政院核辦等因除函交外特達國民政府文官長魏懷文印

## 呈中央東電

十萬火急中央執行委員會國民政府蒙藏委員會鈞鑒竊查西康建省中央早有決議乃受川軍壓迫不許開放此次職奉令回康辦黨尤被駐康軍政橫加摧殘竟於二月寢日晚將職處宣傳幹事戴眼睇要路戕殺因激起全康僧民義憤相與械鬪職無法制止遂於感日將駐巴及各地川軍悉數繳械隨組織建省委員會並成立西康省防軍司令部推職兼攝司令峻辭不獲逃避無路當以地方國防秩序計勉從民意暫行維持究應如何處理務乞核示祇遵電惶恐敬候覆示職格桑澤仁叩東

## 石委員長復眞電

急格桑澤仁委員勘鑒東電悉邊事不堪糜爛軍民糾紛望和平解決萬勿擴大已分電自乾令駐康軍阻止矣石青陽真印

### (十七) 西康黨軍衝突後中央之處理

自康中二二六軍民衝突以後、澤仁及康民會將經過詳情、連電呈報中央、并請迅派大員、來康主持、旋於四月二十五日奉蒙歲委員會石委員長勘電、五月十二日奉中央執行委員會文電、令澤仁回京報告、繼石員長江電、均經先後呈復、惟時康藏兩軍、已經交戰、澤仁以國防鄉土關係、惟有與各民軍存亡相共、與藏週旋，未能即刻卸責入京、乃先派黨部書記黃子翼幹事楊潤滋先行回京報告、後因無線電機、材料缺乏、交通停頓、故所有作戰期間呈報之文件、多未能按時到達、謹將當初來復各電、批露于后

### 石委員長來勘電

康定格桑澤仁委員勘鑒、黨軍衝突案、令日院議、決請兄取消委員長司令名義、回京報告

、一面派人查辦駐軍殺害戴曉暉事件、等因、特電相聞、務望遵照中央命令、靜候公平解決、勿使事情擴大、貽誤邊防、不勝企盼、石青陽勘印、

### 覆石委員長有電

火急洛陽蒙藏會委員長石鈞鑒、勘電奉悉、康民革命、實係自求解放、仁內維秩序、外顧國防、勉從民意、不過暫攝司令委員長兩職、已電請中央派人來康治理在案、茲奉鈞電、遵將省防軍建省委員會、送交人民自治委員會、待命回京報告、請轉呈中央為盼、委員格桑澤仁叩有印、

### 中央執行委員會來文電

康定西康黨務特派員格桑澤仁同志鑒、奮密、此次西康事變、傳說紛紜、呈電互祇、中央在未明瞭真象、未便處理、惟該員自稱西康省防軍司令、及西康省建省委員長名義、速即取消、尅日回京報告、幹事戴曉暉在巴塘被殺真實情形、先行具報為要、此令、中央執行

委員會文、

呈覆中央執行委員會寒電

急洛陽中央執行委員會鈞鑒、奮密、文電奉悉、前奉石委員長勘電當將暫編省防軍隊及建省會務、送交人民委員會、並將委長司令部名義取消、待命晉京、業於江日電覆、擬即日起程、至駐軍戕殺戴案、伏希認真查辦、以伸黨紀、先雷呈、伏祈鑒察、職格桑澤仁叩寒、

呈中央刪電

急洛陽中央執行委員會鈞鑒、奮密昨奉文電、遵卽將暫編省防軍隊、及建省會事務、連同冊籍、送交人民委員會、尅日起程、經於文日電呈、計邀鑒察、乃一般僧民、堅以國防治安、強留維持、不肯接收、謂已電懇中央派員治理、必俟中央派員到康接替、始許起程、職遵鈞會電令、固不難毅然逕去、但恐康南旣甯之局、又陷紛擾、國防秩序、不無可虞、擬懇速簡大員、馳康接替、俾使卽刻回京、特呈、乞核示遵、職格桑澤仁叩刪亥印、

## 致蒙藏委員會江電

萬急洛陽蒙藏會石委員長鈞鑒、昨奉勘電、遵卽將省防軍建委會事送交各縣僧民代表、待命回京、詎人民以西陲國防地方秩序爲詞、嚴辭峻責、痛哭疏解、不允卸肩、究應如何處理、懇代呈請中央、速於核示、俾免罪戾、不勝待命之至、委員格桑澤仁叩江印、

## 人民自治委員會呈中央有電

火急洛陽中央執行委員會國民政府行政院蒙藏委員會鈞鑒溯自四川軍閥盤踞西康蹂躪人民政治則包而不辦建設則言而不行甘贍之役喪師失地貽誤邊防其無統治西康之力至爲明顯猶復視黨如仇成都指委碧血未乾巴安黨務慘案又起康民激於義憤乃將駐軍解決組織人民自治委員會成立省防軍及建省委員會羣戴格桑澤仁特派員兼攝司令及委員長等職方慶領導有人民困得蘇忽聞院議調格特派員返京取消司令及委員長名義全康僧民惶懼欲絕竊川軍壓迫人民已達極點若再容其統治則中央建省之令難期實行民族平等之義徒成虛語西陲國防恐無甯

日軍民甯抗拒以死不苟且以生千請收回院令無任企禱西康人民自治委員會代表包赦武加薩登巴貢噶各蘇贊全體僧民泣叩有

### (十八) 達賴三路大兵進犯青康之動機及目的

今歲當九一八東北國難、及上海激戰相繼發生、自外生成之達賴、及其左右人員、不惟毫無同情於祖國之危難、反認為侵佔青康之良好機會、以西藏軍隊多年之訓練休養、上年僅以一部份補助大金寺同川軍交戰、卒得大勝、并將甘瞻佔領、其氣焰遂高、益加輕視我方之防力、此次大舉入寇、英國方面、已早有所接濟、并聞暴日亦密派僧人到藏鼓動達賴之進兵、並向國際正武宣言脫離中國、日本政府允予補助大宗款項等云云、查日本平常有遊行僧人、至藏朝佛、民初并有一日僧、久住拉薩沾捧寺、頗與達賴接近、至此次進犯之範圍、其目的依照原定計劃、欲將全康佔領、併將青海之一半、雲南邊境之數縣、一併征服、所謂恢復唐古忒民族地盤、至此次西藏三路大軍之配備、及進攻路線、與我方相對之兵力、分列於后、

一、西藏左翼軍以夏蘇爲指揮、堪窮洛松爲副指揮、計正式藏軍約二千餘名、民兵約二千五百名、由西康石渠等地、向青海之界谷玉樹方面進攻、我方之對抗者、爲青海省馬主席所統率之馬步芳旅長、

二、西藏中路軍、以德米色爲指揮、以催禾羣讓等爲副指揮、計共正式步兵約三千名、民兵連同大金寺喇嘛二千餘名、我方對抗者、爲廿四軍余松琳黃勛業兩旅、所部約有四團人、作戰地區、爲西康甘孜瞻化德格各地、主力決戰地點在大金寺、

三、西藏右翼軍、以西哇冷巴爲總指揮必雪爲副指揮、正式藏軍二千五百餘名、僧民兵一千四百餘名、作戰區域爲巴安鹽井、及藏屬之江卡三縣、主力決戰地爲巴安城附近

### (十九) 達賴派員聯絡西康民軍被拒絕之經過

西藏既已配備三路大軍進攻、于三四兩月、其左中兩路、先後與我川青兩軍接觸、對於康南方面、擬派遣之右翼軍、僅開至適當地點駐扎、因西藏認爲澤仁、以及所統率之僧民、概爲同種同教之康人、且新與川軍衝突、雙方尙在取敵對行爲、特先後派代表軍官葛松

得青、喇嘛普博等來巴、代表達賴及駐康長官噶倫昂不、懇切說詞、略謂「我輩同屬藏族、亦同爲達賴佛爺之信徒、盼能合作效勞、俾今生來世、兩有所得、異族之川軍、向在康地蹂躪、人民痛苦已極、前次貴軍將該川軍等繳械、藏中自達賴以下、深爲欣慰、現在西藏已派數萬大兵、卽日將掃平全康、盡逐川軍、盼貴軍能卽時服從達賴、會兵進攻、共建大業、西藏絕不相負等云云、」當經澤仁委宛答辭、略謂「中華民國、以五族共和、邊內一家、現我中央政府、實行孫總理之三民主義、對國內各民族完全平等、昔日藏中糾紛、及一部分川軍在康之不良行動、中央政府均甚明瞭、不久當有具體辦法、以慰我藏康人民、甚望達賴佛爺、一切事能靜候中央處理、更望毋興兵戎、徒苦生靈而違菩薩慈悲之旨云云、」該代表等見我方不合作之態度甚堅、最後要求假道出兵、總之對於聯絡手段、利誘威迫、無所不用其極」、當時尚有若干同鄉、主張暫時與藏合作、惟澤仁以西藏之進犯舉動、實以帝國主義者爲背景關係國防安危、其影響既直接損失國權、康人之建省希望、更被阻礙、且川青兩軍既與西藏接觸、若我方與藏合作、川軍後方、卽立被瓦解、旣未敢圖個人權利、或求保存實力、亦不能計較與川軍內部之意見、於是毅然拒絕合作、驅逐藏代表出境、

藏方果然大舉進攻、兩軍正在交戰之際、藏軍復密向我方統率之僧軍、及各喇嘛寺、嚴重警告、略謂「汝等今後是否須要信仰教主達賴活佛、及是否須要進西藏四大寺院、否則應即為藏軍內應、至少不得聽命於格桑澤仁、而參加作戰：」、當時此警告之影響、至為重大、各寺僧兵、均感覺非常痛苦、終因與澤仁私人同鄉感情、乃持此函件、提出公開商議、經澤仁向各寺懇切詳加解釋、說明宗教政治為兩件關係、結果由各寺委惋復書、略謂「吾人對達賴佛爺、始終信仰不變、入西藏之四大寺、更為我僧人必經之法門、惟以政治而論、我方向由內地派官管理、今格桑澤仁亦為中央任命之員、守土有責、自衛之抵抗、非我各寺喇嘛所能阻止、務請貴軍能停止進攻、免傷生靈：」、當時澤仁統率之民軍中、有第五路指揮貢噶喇嘛、渠因有多數財產及其兄弟在藏任職、迫於此種警告、率其所屬民軍中一小部分、向藏投誠、但於戰線並無多大影響也、

## (二十一) 西康民軍與藏軍激戰四月之經過

自我方拒絕合作、驅逐藏代表出境以後、於五月十六日、西娃冷巴統率之藏軍大部、由江

卡向我巴塘方面進攻、其計劃欲將巴塘佔領以後、分兵一半直趨理化、繞甘瞻川軍背後、直撲鑪城、經我方民兵第一二三各路指揮、在莽里竹巴籠一帶、加以痛擊、雙方均有損失、後將藏軍誘渡金沙江、至巴塘附近村落、我方預將精壯兵五百、埋伏大山森林中、待藏軍向城進攻之際、埋伏隊由高山繞敵後方、內外夾擊、炮轟鎗射、一場肉搏、經半日以後、藏兵大敗、連夜倉惶亂竄、自相殘踏、傷亡百餘名、俘獲甚多、我民兵跟蹤追擊、將其半渡之一船擊沉、溺斃敵甲本二人、藏兵八十餘人、適逢我六玉方面所調之民兵第六大隊由下游渡江、在莽里一帶截擊、乘勢直攻至江卡附近、我方接報、除向喜松工方面進擊外、大部朝大路江卡方面增進、俾將南部失地、一概收回、殊敵人由昌都方面連夜趕來、必雪岱本帶正式藏兵及民軍二千五百餘人、由巴安之西北撒嗎三岩、兩路直撲巴塘、時我方多數兵皆向江卡進攻、巴塘只有四五百人防守、藏兵卒自六月十五日起佔據巴安城外各山地村落、我方只得將江卡方面之隊伍調回、另在下游過絨及宗岩等地、分別迎戰、計兩月期間、雙方出入大小計二十餘戰、所有詳細戰況、當時曾經呈報中央、卒至八月四日、澤仁親自潛離巴塘、指揮在下游之茨郎洛松格桑月喜第四五兩指揮民軍、向江卡方面再度

進攻、敵見後方搖動、軍心紊亂、我駐巴各軍、亦乘時拼命進攻、卒將各處藏兵不數日概行擊敗、敵總指揮西哇冷巴本人受傷、於是全竄回江卡、四月軍事至此告一段落、當我方作戰期間、因餉彈毫無來源、備極艱苦、舉凡作戰期間、數千民兵所有糧米、多由各喇嘛寺人民捐助、劉總指揮曾接濟子彈手榴彈一部分、以一隅之力、終將強敵擊退、全賴人民之武力、計作戰以來、藏方共損失官兵八百餘人、我方傷亡亦將近二百餘名、總計此次川康青三路對藏戰事、雙方總計犧牲不有五千餘人、亦康地空前之大戰、茲尚有一事、足為國人告者、即藏方此次調來之民軍、概為康人、渠等常於步哨線上向我方表示、純為被迫而來、雖被驅於前線、但相率不用命、而不真向我方射擊、而我方亦以戴洋帽之藏軍為目標、大有兩不相害之勢、於此亦可見康人之團結也、茲將作戰期間較重要之電文數件批露於后

### 呈中央國府軍委會有電

急中央執行委員會國民政府主席林行政院長汪軍事委員長蔣蒙藏委員長石鈞鑒、竊達賴自清末以來、即與英帝國主義密切勾結逐我駐藏邊陸兩軍、佔我西康二十二縣、凡有傾心

內向不忘祖國者、輒遭殺逐、如藏土丁吉冷之被絞、班禪活佛之被逐、色拉寺卅六名喇嘛永遠禁錮、皆犖犖大者、其餘僧民之橫遭慘殺者、尤指不勝屈、今之藏印交通則鐵道汽車正從事雙線建築、我則無論由川滇青蒙新任何方面進藏、均以牛馬輸運、而又受其種種無理之限制、以致邊藏交通斷絕、商業則以英印過剩貨物普遍暢銷於康藏、以吸收康藏各項原料、以致西康之康定、雲南之阿墩、青海之界谷各商場、一落千丈、教育則英藏文合編之教科書、所在皆是、不許偶用漢文漢語、軍事則由西人直接訓練、雖及衣履之微、咸取英製、而武器等項更不待言、其包藏禍心、由來已久、民十七年經中央派員宣慰、達賴雖派代表駐京、而侵略野心、毫不稍戢、故去年大白兩寺爭產私鬥、竟妄動干戈佔我甘瞻、中央寬大爲懷、派人調解、猶復狡詐百出、抗不交還、今年巴安二二六黨軍衝突、即乘機百端聯絡欲假道攻鑪、以遂其吞併西康之陰謀、實行其大西藏國之迷夢、故威脅利誘、無所不用其極、澤仁以巴安關係國防、本閭牆禦侮之義、嚴詞拒絕、彼計不得逞、竟於五月巧日、令僞前敵指揮西哇冷巴、率軍四千餘人、猛襲巴安、經澤仁領率軍民、設伏腰擊、予以重創、乃移北路主力、大舉反攻、欲突破南路、以抄襲北路川軍之後、經澤仁抵抗

兩月餘、大小血戰九次、始將頑敵擊退、曾電呈在案、惟數月以來、軍民雖忠義憤發、再接再厲、而孤軍無援、終有力竭聲嘶、彈盡糧絕之一日、謹懇我中央政府、速於援助、俾西陲國防、不致淪爲東北之續、迫切陳詞、不勝待命之至、西康省黨務特派員格桑澤仁叩有印、

參謀部覆皓電

雲南麗江轉巴安黨務特派員格桑澤仁助鑒有代電悉所呈各節不爲無見且以地方之力捍衛孤城抗敵撫民綏靖邊彊藉紓中央西顧之憂殊深嘉慰現中央爲謀西部國防之設立與鞏固西康民衆之安甯與福利正規計劃底定全局方案使達我黨之目的藉慰邊民之望仍盼以本黨立場國家觀念在劉總指揮指導之下努力奮鬥爲西康改革之先驅特復參謀部皓印

石委員長來蒸電

麗江轉巴安格桑澤仁委員助鑒電悉執事孤軍禦敵宥挫強鋒與劉總指揮接誠合作顧局大全至

深佩幸中央正籌定具體計劃當有以慰全康僧民之囑望也石青陽叩蒸印

上蒙藏委員會文電

急南京蒙藏會鈞鑒、康藏糾紛、肇自清末、幾戰幾和、均不澈底、荏苒蹉跎、愈演愈劇、一因中樞未能統籌全局、再因康當局敷衍塞責、三因西藏野心勃勃毫無誠意、近數年來、我中央本總理扶植國內各弱小民族同濟平等之義、寬厚優遇、期其自悟、殊藏人自外生成、屢跋梟張、日益加厲、試觀大金事件、唐特派員柯三徒勞無功、卽其證明、茲幸中日交涉稍告假落、川康邊防劉總指揮、深覺長此因循、殊非得計、約會青軍大舉抗藏、甘瞻大金先後克復、康南僧民、亦以國防所在、不顧同族同教關係、與澤仁一致抗藏、三月閱來、大小戰廿一次、敵我傷亡總在四百以上、藏方見我川青兩軍源源增加節節進逼、復見康民不受誘惑、處處反抗、內部兵民異常恐慌、察其常備軍隊、已調派出三分之二於北東南三方戰線、民兵數目雖多、然皆迫於威令、多望我方勝利、若一經解決其主力、即可長驅直入、澤仁認爲時機已熟、望鈞會建議政府（一）責成劉總指揮文輝積極增兵進攻並接濟之

(二) 命令滇青兩省相機策應、(三) 命班禪移駐青海或西康補助軍事聯絡宣傳、(四) 對駐京達賴人員暫取不即不離態度、必要時謬爲地方事件、待我軍佔領昌都後、達賴必央求交涉、屆時中央遴簡專使、與藏交涉、並就蒙青康僧俗中有名望者、派委參與、一面仍作三省聯軍直搗西藏之聲勢、最底限度、務恢復民七以前西康範圍、俾能完整建省、並調解班達糾紛、送班回藏、前者爲鞏固國防、後者可牽制兩藏、屆時或准於西康省府中參加藏人、又或限制班達二人均任教主而不干涉藏政、暫照清例由中央委前後藏政治首領各一員、拉薩設蒙藏委員會辦事處、及無線電台、京內飭加派前後藏高級官數員、常住辦事、則此後一切進行、較易入手、總之康藏問題、處處相聯、審慎奪勢、非以武力收復昌都以東、不能言交涉、現戰事已大具成績、但能繼續努力、不難規復昌都、昌都一復、則上項條件、均易辦到、竊維時至不行、反受其害、觀東北外蒙、大錯已成、挽救非易、藏事之內外關係、與東北外蒙同一性質、若不當機立斷、予以有力處理、一旦事變境遷、急圖補救、則事倍而功不半、國中義憤狂呼已無及矣、澤仁身居西康、目擊心傷再三思維敢直陳管見當否

敬請公決委員格桑澤仁叩文印

## 石委員長覆世電

麗江轉格桑澤仁委員助鑒 格密文電敬悉解決康藏具體方略參謀本部正在籌劃中來電已轉商  
汪蔣諸公與川軍切實聯絡共擋危局石青陽世印

### (二十一) 川康兩軍合作抗藏之經過

因巴安二二六事變、川康兩軍、原取敵對行爲、藏軍進攻、與川軍在康北接觸以後、劉文  
輝方面深恐澤仁與西藏合作、則該軍腹背受敵、惟澤仁以國防關係、絕不致以私意而誤公  
、繼與藏軍交戰以後、雙方不謀而一致對藏、形成有計劃的戰線聯合、當時雙方始則函電  
交馳、繼則互派代表、在作戰期間、因我方民軍卓著成績、劉曾派員慰勞獎勵、并接濟一  
部份子彈手溜彈、渠并表示今後可請中央速組省府、迨軍事告一段落以後、澤仁因遵照中  
央命令回京報告、并歡迎劉氏派軍政人員到康南各地負責、茲將當時劉文輝及其往康之余  
旅最初來電兩件及中央方面來電一并發表於后、

# 川康邊防總指揮劉文輝來庚電

康定轉格特派員助鑒 巧電悉藏軍進攻巴安經執事統率民軍與以重創捷報傳來無任佩慰此間接青陽杰生來電本無容心前次軌轉偶殊不久卽復何幸如之尙盼作進一步之表示若能枉駕來蓉一圖良唔尤爲切禱劉文輝庚印

# 二十四軍駐康定余旅來有電

格桑特箭員助鑒 簿申電奉悉已譯呈總節矣藏番大舉入寇經執事督兵連戰皆捷利賴國防曷勝忭佩切盼奮圖到底茲事體大全國觀瞻特電奉覆并致慰忱再我軍與青軍馬旅約定勘日總攻統希督照余松琳有印

# 蔣參謀總長來巧電

急康定探投巴安格桑特派員助鑒 頃奉軍委會轉來碼巧二電誦悉處密藏兵內犯圖襲巴安經貴

特派員指滇民軍迭獲勝利捷音傳來深堪嘉慰所請轉電劉總指揮令作禦敵經已代爲介紹凡關於軍事政治至望商承劉總指揮辦理以一事權至請明令討伐藏番一節在此國家多事之秋似可不必特復參謀總長蔣中正巧參一印

### 石委員長來馬電

麗江轉巴安格桑仁兄驥格密世巧兩電均悉化除客氣同固國防逖聞捷訊無任佩幸已爲轉請各方扶助立勸自乾勿再存芥蒂矣弟青陽叩馬印

### (二十一) 藏軍敗退遵命回京報告

藏軍敗退、我方正再度向江卡方面追擊之際、適接川軍余旅電、謂川軍佔德格後、正擬過金江西進、達賴派員請求和議、已訂於號日開始和議、請澤仁親自赴康定參加、并請南路方面、亦暫停進攻、以觀和議結果云云、同時藏軍之指揮西哇冷巴等、亦屢來函請停戰、我方亦因連戰四月餘、僧民皆極待休養、即將軍事告一段落、派民兵指揮格桑月喜納噶阿

西二人赴康定參加和議、澤仁應即遵中央命令、回京報告、況以過去經過、因道遠交通不便、未能一一上達、今康藏問題、日趨嚴重、西陲國防、危機四伏、幾亦如東北、苟非中央統籌全局、迅採有效之辦法、不易解決、抑再不容遷延猶豫、除將各民兵整頓、分配各回原地、黨部職務、派段綏滋祕書代理外，所有省防軍司令及建省委員會，亦遵照中央命令撤銷、並歡迎川康邊防總指揮派軍政人員前來辦理、乃于九月一日離康、經雲南迤西、沿途稍事休息、一直到京、查西康民軍、多自備鎗馬、平日並未受公家之分文、今歲爲國防拚命效力、所有僧民軍之傷之者、皆在二百以上、作戰期間、已因糧餉無濟、而萬分慘淡困苦、戰事以後、死亡家屬、更無分文之撫卹、查青川兩軍在交戰時期、中央亦均有接濟、以西康初成立之民軍、內無出款、外無濟援、爲鼓勵康人計、甚盼中央對於此次戰役之傷亡人員、予以相當撫卹也、

對於康藏和議主張發出敬通電如后

青海馬主席鈞鑒竊康藏糾紛關係整個西陲安危過去幾戰幾和均未澈底今得三路進攻合力抵抗藏以數團常備兵力自難應付幾路大軍一經受創必來乞和此種情形曾詳寢日通電諒邀鑒察頃接余旅長函達賴派瓊讓前來請和已約定號日開始交涉請仁往參和議查此次南北兩路先後興師於茲半年康民已備受痛苦所有數十年來一切連帶糾紛問題均應乘此求整個解決以期一勞永逸如西康建省康藏界線問題達賴班禪合作班禪回藏問題兩藏治權及統屬問題西南西北各省與西藏間通商問題等項悉應妥為規定切實辦理故此次和議非比尋常為求慎重并加大效力易使藏方就範計應請中央特派專使主持并由川滇青三省政府各派代表一員參加至西藏方面亦應令達賴親臨或派重要噶嵩一員三大寺高級堪布三員連同昌都噶嵩昂不圓棹交涉一面仍須由班禪派全權代表參加至和議地點宜選擇適中之地然後不限時日從容開議折衝樽俎我既以川滇青康四省代表會同參與彼必畏我聯軍相對事前既易得讓步事後亦不敢輕易反口蓋以藏方狡賴反覆已成常性非如此不足以達到目的再此項會議未舉行前雙方暫行停戰除派代表格桑月喜李毓輝馳往鑪蓉參加特電建議倘蒙實現則康藏幸甚格桑澤仁叩敬印

## (二十二) 西康與滇青兩省之關係

西康之週圍、爲川滇青藏四省，川藏雙方與西康之關係、較爲密切、因此川康藏問題、常成連帶關係、已散見於上述之各節中、不待另述、茲專就青康滇康關係而言、查青海緊接西康北部、康之山脈水流、均由青海發源、橫貫西康南北而入雲南、青海之多數人民、亦爲康藏族、宗教經濟、雙方至爲密切、此次藏兵同時攻青、亦不外因青康關係密切、而并欲佔領、至雲南迤西、亦有若干縣爲康藏民族、滇之茶糖及米糧、例多輸入康藏、雲南迤西一帶之商人、常在西康各地經營商務、清末趙爾豐經營西康時、其名義爲川滇邊務大臣、兼行節制滇邊各縣、民二四川都督尹昌衡、會商滇督蔡鍔、一同會師西征、卒因外交關係、袁政府電令阻止、今歲西康民軍在康南與藏交戰時期、澤仁亦常電請滇省龍主席派兵出防滇邊、相機應援、因康南與滇邊中阿維各縣、唇齒相依、康南失守、該數縣亦即不保、查滇省近年因內部統一、一切均大有進步、以康南滇西兩地方、犬牙相錯、國防省防、兩重關係、今後對於康藏之整理、中央亦應命川滇合力補助應付、俾易入手、滇方現已派

有新編之步兵第一旅駐防迤西邊境一帶、此次澤仁過滇時、因聞川戰大發、惟恐藏軍再乘機反攻、曾面求龍主席轉飭第一旅向機遙應、以資牽制、茲將當時雲南來電一件、附聞於后、

### 龍主席來梗電

急麗江局探送西康格桑澤仁特派員鑒送電接悉久未答覆係因電陳中央未奉覆示茲奉蔣委員長覆電飭與川軍對取聯絡以便看機策應至川格兩方爭執已派大員前往調解等因此間擬派第一旅開赴大理待命已在準備出發中祈釋錦注爲盼龍雲梗印

### (二十四)今後整理康藏之意見

上列廿餘題、從頭至尾、都二萬餘字、讀者約可明瞭於康藏問題之內外始末概況、及目下國防之危機、澤仁此次以年餘在西康實地工作所得之經驗、與觀察之結果、對於今後之整理、謹將個人意見、簡單陳述於后、

## 關於西康者

西康之危急紛亂、已至於此、國防之設備、及關於開發富源、提倡文化交通懲殖、及一切應興應革之事、亟應着手進行、此固爲一般人所皆知、惟是以西康縱橫七十里的地方、究以何種組織、在當地負此專責、此卽卅年以來、各方所提議公認、應將西康建爲行省、亦卽正因此種多方面之倡議、與應事實上之需要、中央始於民國十七年、明令發表改西康爲行省、惟迄今四年期間、僅有川康邊防總指揮負西康省之責任、按其性質、則此種名義、僅爲川康邊防地方、偏於軍事上之職責、究其事實、則川康邊防總指揮一席、爲四川省主席第二十四軍軍長劉文輝氏所兼任、渠以川中軍政職務、而常處成都、精神力量、事實上均不能兼顧西康、故今惟一簡單之問題、卽須名副其實的於西康組織省政府、以專責成、蓋作事必先有人負責也、或以經費失地人選二個問題爲困難、第一西康亦非不毛之地、僅現剩若干、亦非決不可能之事、第二西康雖只剩十餘縣地方、未嘗不可以組織省府、蓋先有負

責之人、然後始可以圖收復失地、證諸昔日國府成立於粵桂兩省、同一爲特殊情形、…三人選問題、權在中央、本非個人所敢輕議、惟所盼不仍被川局所牽制、主持者須身赴西康。由中央頒布分期整理康政計劃。認真監督、務令其就地切實負責辦理、絕不許身往康外、遙領名義、或包而不辦、最好由中央委派一資深望重、兼與西康及川滇各鄰省有關係之人員、西康人民、無論東西各部、苟中央委派公正大員，實行建省、無不竭誠擁戴、羣力贊助政府之工作、此澤仁可以斷言也、

## 對於西藏問題

西藏與內地隔絕、已廿一年、其間西藏對於英帝國主義者之關係、達賴及其左右之主張與企圖、實際在康青各方面侵略狀況、均已詳述於上、讀者當知情形嚴重、迫不及待、惟求解決此問題所採之辦法、謹以原則簡單言之、純用和平、則不足以戢達賴及其左右之野心、而使其覺悟就範、純以武力逼迫、又恐其挺而走險、惟一辦法、即先用武力以挫其鋒、繼之以和平而求德化、除中央通盤嚴密計劃準備外、無論軍事和議、均由有關係之川滇青

各省合力會商應付、惟康藏問題互相牽連、且以地理之關係、惟一步驟、須先健全西康省府、並整頓相當軍備、注重訓練康兵、蓋因多數內地官兵、遠戍西康、其給養習慣極爲困難、如今歲川軍、固已大受痛苦、故應以西康省爲對藏之主力、川滇聯合補助之、又班禪現在內地、亦爲解決西藏問題之良好機會、苟利用得當、即可收事半功倍之效、再西康僧氏之向背、亦爲解決西藏問題之最大關鍵、蓋今康地泰半歸藏兵住防、藏中各大寺及商務方面、康人亦擁有最大之潛勢力、中央今後須嚴飭進康內地官兵、對康民須平等對待、不得仍相襲「敬蠻」一手莫如打蠻一頓」之政策、今之沿邊各省人士、對於內蒙西康人民、皆須以平等客氣相對待、政府從而扶植之、則民族情感恢復、亦無形中挽救西藏外蒙之有效辦法也、

上海图书馆藏书



A541 212 0010 0528B

3144

95